

22 к.



ЗЕЙТУЛЛА АЛБАТЛЫ
БААРЬ ГОНДЖЕЛЕРИ

ЗЕЙТУЛЛА АЛВАТЛЫ

БААРЬ ГОНДЖЕЛЕРИ

шиирлер

113 зил -



ГЪАФУР ГЪУЛАМ АДЫНА
ЭДЕБИЯТ ВЕ САМЪАТ НЕШРИЯТЫ
Ташкент — 1976

Албатлы 3.
Ваарь гонджелери. Шипрлер. Т.,
Эдебият ве санъат нешрият, 1976 (С)
64 б.

Зейтулла Албатлынынъ эснааты оджадыр. Эдебиятпен де моракълана, шипрлер яза. Эсерлерининъ эксернети бала тербисине багъышлана. Бу ажыбынтыкъта авторнынъ чешит йыллар довамында баялар ичюн язгъан шипрлери кирсетилди.

Албатлы 3. Бутоны весны. Стихи.
С(Крым-Тат)2

А 70408—31
352 (08)—76 100—76

© Гяфур Гъулам адына Эдебият ве санъат нешрият, 1976 с.



А Л Б О М

Гуль-чечекли бир альбом
Ясап къойдым мен энде.
Эр бир бети бирер том,
Гонъюль джоша корьгенде.

Альбомдаки эр ресим
Козьлериме нур ашлай.
Ленин деген пак исим,
Бизге унур багъышлай.

Къайсы бетни мен ачсам,
Анда Ленин озю бар.
Иисан омрю, бахтычюн
Чокъ маналы сёзю бар.

Ич бир вакъыт альбомны
Мен узакъкъа къоймайым.
Эр кунъ ачып мен оны,
Бакъып-бакъып тойнайым

Э П К Е Л Ъ

Кунеш киби парлакъ юзю,
Ел косьтере бизге озю.
О къадирли, пак бир нисан
Оны таний бутюн джанан.
Онъа шанр шипр токъуй,
Оны нисан безмей окъуй.
Чевресинде ачкъан гуллер,
Кельгенлерге мисдай къокъуй.
Онынъ исми башлай «Л»ден,
Бинъ йыл къалмаз сёз, тарифтен.
Айтынъ балалар, о ким экен
Ады олса беш арифтен?

ТОМЛАРЫНЪ

Кене китап язъандай
Пак, муляйим къолларынъ.
Акъыл, фикир, сёзге бай
Китапларынъ-томларынъ.

Эр юрекке шам якътынъ,
Гонъюль нургъа толсын деп.
Эр миллетни уянттынъ,
Бахтны къолгъа алсын деп.

Эр китабынъ гонъюльнинъ
Ич сөнмейджек шамыдыр.
Эр бир миллет, эр тильнинъ
Эркинлиги, шамыдыр.

Бахт къанатын кердик биз,
Кучъ, гъайретли къолунънен.
Коммунизмге кельдик биз,
Юрип айдын ёлунънен.

Акъыл, фикир, козьге кур,
Ильич, мешъур томларынъ.
Зевкъ, сефалы, хош омюр
Берди парлакъ ёлларынъ.

ГЪАЙРЕТ НУРЫ

Инакам, ич ольмедингъ,
Яшынъ стер чокъ юзге.
Парлакъ аят, бахт бердинъ
Гъарип, етим, оксюзге.

Эр бир сёзюнъ йылдыздай
Алтын тюсю нур сача.
Геджелер де куньдюздай
Гонъюль охшай, козь ача.

Терен, буллятор гъаенъден
Гульдай ачкъан Юртым бар.
Бойле Юртта къальбинъден
Кетмей, яшай тек бааръ.

Завод, колхоз, мектепте,
Илынч халкънен яшайсыяъ.
Гонъюллерге эр иште,
Гъайрет нуры ашлайсынъ.

Джошкъун аят, бахт, севинч,
Нисан тапты сёзюнъден
Гонъюль севс, хошмыз биз.
Мискин, кулер юзюнъден.

Урь эмекке, илимге
Ачтынъ парлакъ, кенъ ёллар.
Алынырсынъ сен тилге
Юз дегиль де, бинъ йыллар.

БУГУНЪКИ ГОНЪЮЛЬНЕН

Улу Ленин бабамыз,
Данм сени аңғамыз.
Сенинъ догъгъан кунюпъде
Къолгъа гуллер аламыз.

Гъаенъ ап-акъ буллятордай,
Шевкъы нурдыр козьлерге.
О, кунешиниъ озодай,
Берди аят бизлерге.

Бахт ёлуны, сен Ильич,
Ачыл бердинъ бизлерге.
Гъам кольгеси тюшмез ич
Гульдай ачкъан юзьлерге.

Ленин бабай козюнъде
Эркинликниъ нуры бар.
Эр бир халкъкъа гонъюльнде
Терен севги, сайгъы бар.

Юзлер дегиль, бинълернен
Кечип кетсе бу йыллар,
Шу бугунъки гонъюльнен
Сени халкълар аңтарлар.

СУРЕТ

Бир сурет бар әлемде
Эр суреттен бам башкә.
Кулли бакъа гонъюльден
Эр бир несиль, къарт-яшкә.

Этрафында, паркларда
Ал гуль, чечек сачыла.
Ким де отъсе янындан,
Гонъю гульдай ачыла.

Онъа дюнья — бар джан
Эйкель къурып багъышлай.
Бахты ичюн эр исан
Джандан севе, алгъышлай.

Кимдир экен бу сурет,
Сорасанъыз сиз менден,—
Оны билкрсиз эльбет
Ленин, деген тилимден.

БИЗ ЛЕНИНДЖИ ЯШ НЕСИЛЬМИЗ

Биз, Ленинджи яш несильмиз
Окъуй, яза, шенъ осемиз.
Коммунизм багъчасынынъ
Гонджелери, ал гуллермиз.
Ленин адыны ташыймыз,
Ленин — шурет ве шанымыз,
Улу Ленин иши ичюн,
Омрюмизни багъышлаймыз!
Тюрлю миллет, тюрлю исан
Агъа-къардашдайын тувған.
Бир-биринден ич айырмай,—
Охшай бизни улу Ватан.
Бизде оськен къараманлар —
Юрт шурети йылдызлар бар,
Зоя, Зина, Алинедай
Шанлы, джесюр чокъ кызлар бар.
Пионерде мектеп кечти
Гагариндай фезаджылар,
Аметхандай себат батыр,
Рухумыда данм яшар!..
Биз яшаймыз урь Ватанда
Шенъ-шерамет, кедер бильмей,
Даа пурлы, бахтлы аят
Яш достларым бизни беклей.
Керек олса, биз багъдамыз,
Тарлаларда, къыр, дагъдамыз;
Эр бир иште ярдым бере
Шад комсомол — чин агъамыз.

Бугунь бизлер — яш пионер,
Елда беклей кыркъ бир унор:
Намлы ишчи, я колхозджы,
Я агроном, я инженер...
Партиямыз — баба догъмуш,
Онъа бизден бинъ-бир алгъыш!
О, кунъ киби шавле сачыа,
Бизге берди талий бахшыш.

П А Р Т И Я М А

Сеннен гузель, ярашыкълы, омюр, дюнья,
Сеннен джошкъун окъувымыз, иш сабамыз.
Сенчюн севги гонъюллерде ташкъын деръа,
Сенсинъ бизим джандан азиз озъ бабамыз.

Эв башысынъ янъы къургъан эвимизде,
Сёзлеринънен иш коремиз девримизде,
Севги, урьмет яшай сенчюн гонъюлмизде,
Сенсинъ бизим саф гонъюллю озъ бабамыз.

Сен федакяр, дюменджисинъ тувгъан ильге,
Айландырдынъ оны бир топ чечек-гульге,
Севгинъ бирдай тюрюл миллст, тюрюл ильге,
Сенсинъ бизим кулер юзьлю озъ бабамыз.

Багъ-багъчалар, дагълар осьтю бош чёллерде,
Шеэр, койлер, ГЭС-лер осьтю къургъакъ ерде,
Келеджекчюн козюнъ ёлда, элинъ рульдъ,
Сенсинъ бизим бахт яраткъан озъ бабамыз.

Сен кунешсинъ, бизлер исе — йылдызларынъ,
Эр бир ерде сапъа садыкъ эр-къызларынъ,
Бизсен яшар, омюр корер арауларынъ,
Эмин ол сен, бизге эр ан озъ бабамыз.



МУТЕБЕР

Лезет олсын, десенъ сен,
Еген отъмек, ашында,
Бер эмиет ишке сен,
Ишке лыйыкъ яшында.

Эмек — сенинъ шенъ гонълюнъ,
Олсын онъа къол чөбер.
Багъынъ-багъчанъ, ал гулюнъ,
О эр шейден мутебер.

Конар турсанъ эметкен,
Билъ, тамакътан аш отъмез.
Тез соларсынъ юректен,
Ич бир эким кар этмез.

ПИОНЕРЛЕР БАГЪЧАСЫ

Дерслер битти, уйле авгъан,
Баллар залгъа топлангъан.
Директор де келип тезден,
Нефес алып лек теренден,
Шенъ-шерамет бизге бакъа,
Чересинден нурлар акъа.
Тахебехер, деп о бизге
Риджа отти эпинизге:
Ярын алып чапа, курек,
Деди, къалмай кельмек керек.
Эм кельгенде элигъизде.
Олсун бир къач терек-фидан.
Мектебимизиниъ янында
Багъча керек бизге эр ам!
Базар куню, саба эрте,
Корьдик башта биз Зераны.
О кетирген кирез иле
Эки алма, учъ бораны.
Экинджиси кельди Шабан.
Деди, — буны берди бабам.
О, фиданны адын айтмай,
Фидан экен — къызыл Шафран.
Гульнар тапкъан бир ашлама,
Бунынъ ады дей, Дигене.
Еген тилъден ич ташламай
Оны эр кес иск бегене.
Бираздан сонъ кельди Пемме,
Эки фидан къолгъа алып.
Кетирдим, дей о, Гульпейме,

Пнше язда пек кызырып.
Ана, энди, ксле Шасне,
Келеятыр куле-куле.
Кетирдим,— дей,— снаге впше,
Оны эр кес ташый, биле.
Даа лск чокъ пноперлер,
Семнидирди оджасыны.
Чокъкы бармаз, олар корер
Пнонерлер багъчасыны.

ИССЕ КЪОШАМ

Мен де яш бир колхоз кызым,
Ишке дѣнди мурад, арзум:
Авес, этип, эки кѣту,
Асрадым мен йппек кѣурты.
Кѣуртлар осе кунъден-кунъге
Гонъюль джоша, ферахлапам,
Иссе къошам тынч омюрге,
Мен де бугунъ постта турам.
Кѣуртлар энди прилешти
Темиз-паклар, кѣар киби акъ.
Чалы-чырпы арасында
Ятып осе бинъ-бир кѣозакъ.
Кѣолгъа оны тез алмасам,
Фабрикагъа бѣламасам,—
Кѣозагъыны тешип чыкѣар,
Зарар берип четке учар.
Пек кѣыйметли Юртюн йппек,
Халкъкы уст-баш, урба демек.
Вакъып-асрап йппек кѣуртны
Шад этейик тувгъан Юртны.

ЭМЕК СЕВГЕН БАХТ ТАПАР

Бильги алсанъ мектепте
Шадлыкъ осе юрскте.
Окъуп, унер огренген
Урьметленир эмекте.

Бугунъ мектеп янгы сой,
Фералана шеэр, кой,
Уста олмакъ истесенъ,
Ишхане бар бойдан-бой.

Колхозда багъ-багъча бар,
Кениш-кыулач тарлалар.
Агроном олам десенъ,
Ол озюпъе таланкяр!

Эр торлю иш, укер бар,
Оны севген бахт тапар.
Эм ишлеп, эм окъусанъ,
Санъа акъшам мектеп бар.

Сен макъталсанъ эмекте,
Сени Ватан бегенир.
Санъа бакъып, юректен
Ана-баба севинир.

КЕЛЬ ТАРЛАГЪА

Сен Ватанинъ азиз огълу,
Къызы олсанъ,
Аят ичюн озь Юртынъдан
гъыда алсанъ,
Олсанъ халкънен бир гонъюльде,
иште сафдаш,
Кель тарлагъа, оглюк багълап,
Эй, аркъадаш!
Къартлар сёзю: «Багъча байлыкъ —
бир айлыкъ»,
О топланса, йылдан-йылгъа
буюк байлыкъ.
Енгиль, агъыр ишимизде
олсанъ ёлдаш,
Кель тарлагъа, «акъ алтын»ны
джий аркъадаш!
Бойле кунъде ич бир адам
эвде къалмай,
Бойле кунъде ич огютке
тилим бармай.
Шенъ байрамны халкънен
япам, десенъ къардаш,
Кель тарлагъа, сен де бизге
эп ярдымлаш!

**МЕН МЕКТЕПТЕН
КЪАЙТКЪАН СОН...**

Дерслер азыр, ишим онъ...
Мен мектептен къайткъан сонъ,
Къувет берип элиме,
Оглюк байлап белиме,
Къыдырмай ор бармагъа,
Тюшем шу ан тарлагъа.
Тарла кенниш, памукъ бол...
Кель, дост, сен де, бизнем ол!
Биздай къардаш, агъагъа,—
Иш къалмасын сабагъа.
Джий памукъны, ярдым бер
Тувгъан ана-бабагъа!
Исан тапкъан байлыкъны
Ягъмур, я сель алмасын.
«Акъ-алтын»нынъ бир дреми
Къар тюбюнде къалмасын.
Буны достум эсте тут,
Буны биздем беклей Юрт.

**ИИПЕК КЪУРТЫНЫНЪ
ТИЛЕГИ**

Мен де бакъам иипек къурты.
Дегенлерни алгъышлайым.
Иипегимни, санъа Юртом,
Алтын этип багъышлайым.
Дут япрагъы севген ашым,
Факъат оны кесе тишим.
Чокъ дегильдир бир ай яшым,
Амма буюк якъан ишим.
Балалардай мектебим, ёкъ,
Не язам мен, не окъуйым.
Лякин, коринъ бинъ-бир къозакъ,
Иипегимден йип токъуйым.
Эсапланса, кокке етер.
Исан ичюн якъан файдам.
Иипегимден тикип антер,
Кезинирсиз джийин-тойда.
Беллеменъиз тек антернен
Сыгъырланыр, файдам битер.
Хирург назик иипегимден
Хасталаргъа яра тикер.
Эр учуджы семаларда
Къартал киби къанат ача.
Иипегимден-парашютнен
Юксеклерге къоркъмай уча.
Колхозджы кыз менн бакъа
Пек эйбетлеп, гедже-кунъдюз.
Эмегичюн Юртом такъа
Кокюснине алтын йылдыз.
Джаным севги, назар тилер,

Дигъленъ мени мектеплилер:
Эринменъиз асранъ мени,
Олсун сизде чебер эллер.
Мен халкъларнынъ аятыны
Сюслендирем, нагъышлайым.
Шунынъ ичюк: санъа Юртым
Иппегимни багъышлайым.

ПАМУКЪНЫНЪ ЭЛЕМИ

Индемесем, мушкюль алым,
Не беден тынч, не хаялым.
Къардай ап-акъ, ерде ятам,
Лайгъа тюшип, къурып-къатам.
Екътыр файда бакъар кърдак,
Таптай, эзе, алмай ёлдан.
Корюнъ сымам неге ошай,
Ерде мени дым, кюф ашай.
Азмы менчюн олды куреш —
Алтын мурын тѣкти кунеш.
Ер-чѣль азиз бир анадай,
Гъыда берди нч аямай.
Энге-бойгъа кенъ тарлалар
Кечип ишлей тракторлар.
Сууджы сувны, ёкъ демеди,
Баш уджумда эркеледи.
Гуръ эмекнен осип пиштим,
Гуялен Юртым, деп етиштим.
Кийим берем, ягъчюн чигит,
Джый сем мени эй къыз, йигит.
Толып-ташып тюкялларда
Аллы-гуллю басмам ята.
Ким истесе къучакъ толу,
Эалерине алып къайта.
Ягъым ашнынъ энъ кереги,
Онсыз ашчы къазан асмай,
Илле онынъ чибереги...
Гопъюль ондан асыл къайтмай.
Ватак менден бият-бир тюрюлю

Халкъкъа зийнет, бахт ярата.
 Бундан мемнюн азиз халкъым,
 Бинъ тешеккюр Юрткъа айта.
 Тёкмей-сачмай мени ерге
 Тездже алынъ достлар-эльге!



АНА СУАЛИНЕ БАЛАЛАРНЫНЪ ДЖЕВАПЛАРЫ

— Джандан, азиз балаларым,
 гурълеп оськен яш долларым,
 суалим бар, ким аль этер,
 ачыкъ джевап алсам, етер.
 Айтынъыз сиз, эр биринъиз,
 кимде насыл хаял яшай?
 Шойле джевап берди Фера:
 — Бир тикиджи олсам — ете,
 тикерим чокъ антер, урба.
 — Инсанларгъа керек эр кунъ
 эвель сагълыкъ, — деди Аким.
 Тюрлю дертнен курешмекнюн
 Олурым мси яш бир эким.
 — Китапларнен козюнъ
 айдын, —
 деп фикрини ачты Аким: —
 Бильги алып йыллар сайым
 олсам шандыр физик-алим.

— Мен,— дей Али,—
асылында
жыдырмайм буюк бир нам,
эгер колхоз багычасында
олсам стер бир агроном.
— Эмекте шап эм де шереф
памукъ джыймакъ,— дей Амиде,—
бир бурьтюгик этмей телеф
джыарым,— дей,— кок

«гемице.»

— Самолётны огренмекчюн
менде авес бар,— дей

Къадыр,—

арзум къайнай олмакъ ичюн
Аметхандай намлы батыр.
— Чизги чизув меним арджым
свсем оны,— дей Эскендер,—
иль огюнде меним борджум —
окзуп олмакъ бир инженер.

Невбетниен сёзни ала
йырны севген огълу Идрис:
— Бугунъ олсам бир яш бала,
тезден олурым бир артист.
— Идрис агъам олса

йырджы,—

деди кучюк огълу Асан:—
мен олурым бир сынъырджы,
барышыкъта гуллер Ватан.
— Агъамлардан артта

къалмам,—

дей кенджеси — кызы

Кевсер:—

унер сайлап, ойгъа далмам,
мен ичюн де бар бир унер:
Сахтымьэчюн мен Ленинини

алгышладым,
алгышларым;—
чокъкъа бармай мен килимге
суретини нагышларым.
Бойле джеваплардан ана
гуя сыгъмай ер юзюне,
бакъып тоймай, пек къувана
эвлятларныкъ саф юзюне.

ПИОНЕРЛЕР МУШАВЕРЕСИ

Бугуны, балалар, звенода чэсэджекмиз
Суаль, джевап тертибнде бир меселе.
Оны чэсэсэк, чын махсадыкча етеджекмыз,—
Дей вожатый,— яш ленинджи шаны иле.

Сизге азиз пионерлер бар бир суаль,
Догру джевап гонъюллерге урмет ашлар.
Эр джевапчюн алып сизлер джанлы мисаль,
Айтып баллар, эдеп озю неден башлай?

Бизге берген суалныыз,— деди Келям,—
Гонъюллернииз теллерини чертип ташлай.
Урмет этип, буюклерге берсенз селям,
Ана эдеп, биринджиси, ондан башлай.

Бир селямнен ич иш битмей,— деди Юнус,—
Ондан тек бир шавле кельсе, сыджакъ кельмез.
Юрегиизде ишамаса ырыз-намус,
Биль ки, эдеп къанатлары ич керильмез.

Эдеп ичюн энз кереги,— деди Мансур,—
Коллективде тута бильмектир кендинъни.
Эгер кельсе звягизге бир мусафир,
Айт сен онча таъзым иле хош кельдини.

Эр терекке насыл керек,— деди Раим,—
Тамырлары, пытаклары, япракъ ве дал,
Эдеп ичюн ойле керек, биль эр данн,
Селям-саба, хош кельди ве саглыкънен къал.

Корип къалсанз эсли-башлы, я да хаста,
Тик туралар вагонларда, автобуста.
Хош сёзинънен, иззет иле гонъюль осьтир,
Отурынз, деп сен оларга ерни косътер.

Эгер менде олсун десенз низам, эдеп,
Темиз тут сен боюн, юзни, къулакъларны.
Сенчюн бир ан арланмасын оджанз, мектеп,
Корип сенде энзсе сачны, тырнакъларны.

Олсун десенз, менде эдеп, медениет,
Ич кимсеге сёз сёйлемек серт ве къаба.
Ич бир заман, этсе тутынз,— деди Мамет,—
Инсанлардан аяманъыз селям-саба.

Чокъ тешеккюр сизге баллар, пионерлер,
Энз эсасы айттынъыз сиз недир эдеп.
Айткъаныпъызны беджерсенъиз,— дей вожатый,—
Мемчюн олур ана-баба, сизден мектеб.

ОЛУРЫМ МЕН КОСМОНАВТ

Талебедир бугунь адым,
Мен илимден тактам кынат.
Бардыр меним озь мурадым,—
Олмак джесюр бир космонавт.

Эгер минсем ракетагъа,
Учсам Айгъа, Венерагъа,
Космонавтым, деп язарым
Мангъа айт анкетагъа.

КИТАП

Китап меним акыл, фикир, козь нурым,
Китап севгей халкъым ичюн магърурым.
Эр бир китап Юрт юзюнде бир йылдыз,
Сеймей нуры не гаджеси, не куньдюз.
Китап севген — ачыкъ фикир, кулер юз,
Жакътыр анда мыскыл, пахыл, яман сёз,
Бахтым ичюн алдым андан ырыкны,
Огрендим мен земанени, тарихны.
Китапларынынъ энъ нурлысын билерек,
Ким язгандыр, чыккъан кимнинъ элиден?
Бахт китабын, джан-гонъюльден северек,
Алгъан халкъым улу данй Ленинден.

КОЙ ОДЖАСЫ

Кой мектеби — парлак нурлы фен оджагы,
Билги бере, гонъюль ача хош сыджагы,
Яш несиљчюн ачык онын кенъ кучагы,
Бу оджактан нур джайрата кой оджасы.

Мектеп — халкынын ифтихары эм гуруры,
Козьни ача, анъ байыта илм нуры,
Ондан башлай яш несиљнинъ пак омюри,
Бу омюрнинъ иљхамджысы — кой оджасы.

Кой мектеби тез сурьатнен огте кете,
Янъы тертип, усулларнен фен огрете,
Койлюге де озь сырасы ярдым эте,
Мектебини джандан севген кой оджасы.

Кой мектеби — кой ичнине нурлы маяк,
Келеджеги олмасычюн кундай парлак,
Олға таба эр кунъ яшлыкъ баса аякъ,
Бу маякнен ъл косътерген кой оджасы.

Кой мектеби Ленин айткан ълдан кете,
Ленинизм эсасларын о огрете,
Бутюн дерсени омюр иле багълап оте,
Бойле окъув федакары — кой оджасы.

НУР БЕРДИНЪ

(Оджама)

Таныш манъа шырын сѣз, кулер юзинъ,
Шу юзинъден гонъюльге нурлар келе.
Эр инсанчюн бал-шербет эр бир сѣзинъ,
Юреклерни джоштыра, гонъюль бере.

Яш несиљни окъуттынъ, эйбетлединъ,
Баш-сачыны сыйпады назик къолунъ.
Тувған халкыны эмекнен шуретлединъ,
Энъиш, тѣпе олса да омюр ълунъ.

Зилифлерге тюшсе де къар курпеси,
Гурь сачынъа яйылып о етмеген.
Ала яшлыкъ шадлыкъы, шенъ куљкюси
Эм де нуры юзинъден ич кетмеген.

Чокъ йнгитлер, комсомол, шайлы къызлар
Урь эмекке ълланма алды сенден.
Къанат яйып учмакъта бу йылдызлар,
Нур аямай халкындан, азиз иљден.

МЕКТЕП БЕКЛЕЙ ВИЗЛЕРИНИ

Мен де еди яшымда
Тез огрендим тертипке.
Мен та язлыгъ башындан
Азырландым мектепке.

Севген сёзюм — аферия,
Севмегеним тазирдир.
Чакта, китап, дефтерим
Чокътан дерске азырдыр.

Эр бир ишке мен феаль
Озь иссемни къошарым.
Алмакъ ичюп алтын медаль,
Яхшы окъуп башларым.

СЕВЕМ

Джандан азиз менчюм мектеп,
Эр бир сыныф, эр ралеси.
Севем онынъ низам, эдеп,
Гуль-чечеги, лялесини.

Илим алып огге кетем,
Севем дерсин эм оджамны.
Кеч демей о, демей эрте,
Дияълей суаль, эр риджамны.

Севем илим оджагъыны —
Мектебининъ достларымны.
Севем низам къучагъыны,
Пионерлер отрядымны.

КЕЧИКМЕ, ПИОНЕР!

Бахт нуру төкюльсини, десенъ сен ёлунъа,
Кечикме, пионер, китап ал къолунъа.
Мектепте, эр иште китаптыр нур-чыракъ,
Макъсадынъ ёлунда бильмезениъ брүлмакъ.

Китапнен къанатлы эр арзу, тилегинъ,
Ал гулынниъ озюдай ачылыр юрегинъ.
Китаптыр сёзюнни кучюни акълайджакъ,
Китаптыр шанынны бефтандан сакълайджакъ.

Китапнынъ нурунда айдындыр иш-постунъ,
Китаптыр омюрликъ къадирли чин достунъ.
Китапнынъ нурунен алемни корерсинъ,
Ватанчюн борджунны шерефнен одерсинъ.

Китапнен йылдызлар кокуюне еттикъ биз,
Айнынъ да багърына ал байракъ тиктикъ биз.
Китап шу омрюнге нур сачар йылдызынъ,
Онынънен парлакътыр яш къальбинъ-ырызынъ.

Шу китап тюшмесе, дерстен сонъ элинъден,
Билем мен, бал тамлар омюрлюк тилинъден.
Чешит сой мусибет келалмаз янынъа,
Эбедий кир къонмаз Ленинджи шанынъа.

Къаранлыкъ чёкмесини, десенъ сен ёлунъа,
Кечикме, пионер, китап ал къолунъа.
Китап шу къолунъа нч солмаз гулюнъдир,
Китап шу дост север, шырныкълы тилинъдир.

САГЪ ОЛСА ОПЕР ЭДИМ

Янъы чыкъкъан элифбе
Тюшмей меним элимден.
Эр шейни окъуп билем,
Ана-баба тилинде.

Улу Ленинни корьдим
Озюмнинъ элифбемде.
Сагъ олса, опер эдим
Ленин бабай элинден.



БАБА ОГЮТИ

Учъ огълу бар бабанынъ:
Идрис, Юнус ве Умер.
Бу учъ кърдаш-агъанынъ
Учю бирден пионер.

Севги, ишанч, уютни,
Баба багълай балларгъа
Башлап баба огютни
Насиат айта оларгъа:
«Сакълап тертип, эдеппи,
Ким де севип мектеппи,
Окъуп алса чокъ унер,
Одыр керчек пионер.
Яштан тиреп билекни,
Ким де севсе эмеки,
Макътаймагъа акълыдыр,
Омюр бою бахтлыдыр».
Огют алып бабадан

Идрис, Юнус эм Умер
Сайлап алды мектепто
Учю бирден учъ унер.
Чокъ тюшюнмей яш Идрис,
Олды тезден тракторист,
Юнус эди ортаджы,
Олды гузель бостанджы.
Билип баба тилегин,
Аямадан эмегин,
Умер уча коклерде
Тынчлыкъ истеп эр ерде.

КЪАРТБАВАНЫНЪ ИКЯЕСИ

Бир левха айтайым отьмиштеп, оюмден,
Днигле де дерс ал сен, торуным, сёзюмден.
Эм анам, эм бабам пек эрте ольгенлер,
Мал-мулькни биревлер озара больгенлер.

Анамдан-бабамдан къалгъан сонъ хор, оксюз,
Олмагъан козюмнинъ яшыны спледжек,
Тёшекте яткъанда аяттан умютсиз,
Къуртаргъан олюмден менн бир къарт амджем.

Бираз мен осьнен сонъ фукъаре шу амджем,
Бир байгъа чобанлыкъ япмакъны огретти.
Чокъ отьмей, аявсыз, шевкъатсыз серт эджель,
Оны да вакъытсыз мезаргъа кирсетти.

Не чаре, та яшым олгъанда докъуз-он,
Чобанлыкъ торбамны бойнума тез такътым.
Устюме кийип мен ямавлы, джарты тон,
Генчлигим вакътында шу байгъа къой бакътым.

Акъсмалыкъ устюмде энъ агъыр юк эди,
Кунъ чыкъса, башымы ташларгъа къоярдым.
Ачлыкътан, сувукътан меджалым ёкъ эди,
Каде бир юргенде эсимни джоярдым.

Бутюн кунъ чапкъалап, ял алмай ич бир ан,
Белимни, сыртымны ич ерге къоймаздым.
Аш-сувым эр вакъыт кепекли къыджыткъан,
Онъа да, догърусы, бир вакъыт тоймаздым.

Кузь кельсе, ич кунеш беденинъ къыздырмаз,
Серт еллер эскенде титрерди къан-джаным.
Шевкъатсыз кой байы ич фырсаат алдырмаз,
Ёкъ эди ич онда саф нысан виджданы.

Кунъ-кунъден козь чукърым ачлыкътан оюлды,
Аякълар къалтырап, къурулды агъыз, тиль.
Беденде, юректе зайыфлыкъ дююлды,
Джапларда юрювдек таларды тиз ве бель.

Кя булут къапларды кок юзюн йыракътан,
Кя кунеш булутны тельчелеп йылтырап.
Аягъым сыланыр тешикли чарыкътан,
Шу азгъын беденим сувукътан къалтырап.

Яшыппен болюнир балалыкъ ойларым,
Де ягъмур сепелср, де ава ачылып.
Ял алсам, джоюлыр оюмден къойларым,
Къой джойсам, юрекке тикенлер санчылып.

Мектепин базы бир, мен байгъа аягъанда,
Устюме джекпрди, санки бир азранлы.
Илимнинъ чырагъы зенгинге янгъанда,
Ондан мен нур алмай, къалгъаным зыр джайлы.

Эп ойле отькендир яш чагъым, эяладым,
Менимчюн энъ азиз кунъ, айым, йылларым.
Мени де бар эди окъувгъа мырадым,
Ич акъкъа чыкъмады бу парлакъ ойларым.

Себеби, хатирлеп кечтигим отьмиште,
Отьмишки къыяс эт, торуным бугуннен.
Сизде бинъ имкян бар окъувгъа эм ишке,
Оны сен къадирле чин юрек, гонъюльнен.

Шунынъчюн, эяладым, тек аля окъумакъ,—
Партия берген шу мукъаддес акъкъынъыз.

Бу парлакъ аятта бильмеден ёрулмакъ,
Ангъларда илимининъ чырагыни якъынъыз!

Сиз шимди гузель бир заманда яшайсыз,
Окъувдыр, илимдир заманнынъ къудрети.
Әяладым, гонджеге — ал гульге ошайсыз,
Ачыл да къокъынъ сиз — бу пстек, кпнетим.

ИНКЪЛЯБДАН ЭВЕЛЬСИН ЯШ САЙМАЙЫМ

Памукъ джыя тарлада бир къартбабай,
О кишинде яшлардан артта къалмай.
Къарткъа тараф догърулып адым аттым,
Багъышланъыз, къартым, деп мен сёз къаттым:
— Не ерлисиз, къайдадыр оджагъынъыз,
Насыл отти бадалыкъ, яш чагъынъыз?
Корип ап-акъ сач-сакъал, башынъызны,
Бильмек эди макъсадым яшынъызны.
Памукъ джыйып тарлада талмайсызмы?
Къаве ичип, эаде кейф алмайсызмы?...
Кене бильмек истейим мен бир агъыз,
Къаба кельсе сёзлерим, багъышланъыз.
Сизин дейлер адамлар, сексен учте,
Насыл ола да отуз йыл къала четте?
— Инкълябдан алдым мен къувет-кучъни,
Ноябрьде толдырдым элли учъни.
Сорасанъыз, огълум, мен Озенбашлым,
Инкълябиян бир догъдым, ониеи яшлым.
Инкълябдан эвельсин яш саймайым,
Кунъ ярыгъы коръмеген йыл, кунъ, айым.
Октябрьпинъ ал тапъы козюмини ачты,
Элли учъ йыл о манъа ярыкъ сачты.
Ишсиз туруп экинде ич къанмайым,
Урь эмекиен тарлада мен талмайым,
Мен Юртыма, халкъыма файда ичюн,
Чалышырым сарф этип бутюн кучюм.
Эй мектепли, яш достлар, пионерлер,
Сизсиз бойле къартларнынъ фядаи-далы,
Окъувда, иште, япкъанда пасыл унер,
Шойле ишкир къартлардан орышек алынъ.

СЕЗЮНЪДЕМ, КЪАРТБАБА

Кельмессин, торуным, сёзлерим серт-кѡба,
Мектепни севсенъ сен, эрте тур эр саба.
Эль, бетни тез-тез юв, кет мектепке таба,—
Деген сёзюньнен иш корем къартбаба!

Китапны севсенъ сен, юректен мон джошам,
Билгингъчюн хызметте дамий чыракъ-шам,
Ярынкъы дерслерин азырла бу акъшам,—
Деген пак сёзюньден чыкъмайым, къартбаба!

Ол дам намуслы, о — видждан озеги,
Намустыр виджданнынъ ал гулю, чечеги,
Шай олсанъ, къушлардай юкселир тилегинъ,—
Дегенинъ юректен силлинез къартбаба!

Окъувгъа, эмекке ачылгъан кентъ бир ёл,
Бу ёлдан кеткенде яшларгъа орьнек ол,
Сен янгъгъыз дегилсинъ, етекчинъ комсомол,—
Деген акъ сёзлеринъ — къандем къартбаба!

Танъда сен, устунъе кунешни догъдырма,
Тенбеллик кольгесин къальбинъе къондырма,
Озюньни ишлерде аркъада къалдырма,—
Дегенинъ мен ичюн тертипир, къартбаба.

Акъ-догъру сёзюньден джоштим мен, джошарым,
Ленинджи олып мен, халкъ ичюн яшарым,
Коммунизм ишине иссеми къошарым,
Эмин ол, сёзюньдем севимли, къартбаба!

ЭНДИ ФАЙДАНЪ ТИЕР ЭКЕН...

Танъда туруп азиз бабанъ
Ёр тегизлей, арыкъ ача.
Кунъ догъмаздан эр кунъ саба,
Экин эке, урлукъ сача.

Балам, дей де гъарип ананъ,
Танъда туруп оджакъ якъа.
Агъанъ, каданъ, эм де санъа
Джам-гонъюльден аш-сув бакъа.

Келеджегинъ, бахтынъ ичюн,
Бабанъ сенчюн, ёл корьсете.
Ананъ берип омюр, кучюн,
Сенчюн чокъ шей фида эте.

Бойледже сен сёз дингълемей,
Не де олса осьтюнь эрке.
Къачан файданъ тиер экен?..
Ананъ-бабанъ козьаш теке.

АЗИЗ АНАМ

Азиз анам, нурлы айдай
Козь огюмде тура юзюнь.
Акъылымдан бир ан чыкъмай
Балам, деген татлы сёзюнь.

Бизчюм сезгинъ, мераметинъ,
Къанатланып учар эди.
Арзу, уют, пак-нистинъ,—
Юзюнге нур сачар эди.

Сен эвляткъа гонъюль ачкъан
Гуль-чечекли баарь эдинъ.
Къальбимизге нурлар сачкъан,
Чыракъ киби янар эдинъ.

Эр бир ишни бизчюм яптынъ,
Озь джанынъны ич аямай.
Кедер корьсек, гонъюль къаттынъ,
Къаранлыкъны етген айдай.

КЪАРТАНАМНЫНЪ СЕЗЛЕРИ

Эвель, эвлер ошагъан
Оба-тёпе топракъкъа.
«Ах»нен инсан яшагъан,
Мутадж олгъан чыракъкъа.

Бойле басыкъ эвинде
Бир кунъ янды нурлы шам.
Севинч ташты гонъюмден
Деръа киби шу акъшам.

Сотъра лампа, фенерден
Хайырлашты шеэр, кой.
Шу кунъден сонъ, бинълернен
Ильич нуры парылдай.

Шунынъ ичюн биз, балам,
Пек разымыз Ленинден.
Азат халкъчюм о япты,
Нелер кельсе элинден.

ОСМАННЫНЪ ХАЯЛЫ

Ният-арзум Юрт коконде
Къарталлардан юксек учмакъ.
Ватанымнынъ шуретиле
Янгы сейяремелер ачмакъ.
Джесюр ола эр бир инсан,
Эгер олса, сафдилъ тилек.
Тыпч олсын деп, Ана Ватан,
Бир учуджы олмакъ керек.
Омюр ёлум белли менчюю,—
Оны таптым, онен джошам.
Онъа азыр олмакъ ичюн,
Мен спортнен чокъ огърашам.
Бу фикирим парлакъ айдай,
Ёлум ачыкъ къальбим сафтыр.
Кожедуб ве Аметхандай
Олурым мен намлы батыр.

ПЕК ЯХШЫ, ДЕДИ БАБАНЪ

Сен дегилъсинъ нам-нишансыз ольгенлерден,
Ольдинъ десем, тилим бармай, намынъ яшай.
Демем дюньягъа мусафир кельгенлерден,
Халкъ анъында яп-яш сыманъ, рухынъ яшай.

Ананъ сезип алфавитининъ баш арфини,
Саягъа дюльбер исимлерден бирни берди.
Бабанъ динълеп, ананъ берген пак тарифни,—
Пек яхшыдыр, бинъ-бир кере разым,— деди.

Явнен олгъан курешлерде, Ватан кызы,
Яш джанынъны аямадынъ, эттинъ къурбан.
Ич силлимеъ гонъюллерден парлакъ ызынъ,
Сени анъар, эп анъаджакъ улу Ватан.

Эй, халкъымнынъ виджданы, нахус, ырызы,
Курешлерде Зоя кпби олдуъ орынеъ.
Койдешинъни, дост-эшинъни бар арзусы —
Джермай Къачыкъта сенинъчюю эйкель коръмек.

Айтынъ баллар, кимдир экен бу къараман,
Къайсы шапр язды ончюю поэмасынъ?
Урьлюк ичюн ольгенлерни ич бир заман,
Инсан огълу, инсан олса, унутмасынъ!



МЕН БИР БААРЬ ЕЛЬЧИГИМ

Мен бир баарь эльчигим,
Хоштан-хош гонъюльчигим.
Юреклерге зевкъ берем
Юзъни сыйпар эльчигим.

Гуль-чечекнинъ анагъым
Опе назик дудагъым.
Балаларнынъ юзюни
Сыйпамакътыр мурадым.

Де тарайым отлакъны,
Де тепретем япракълар.
Байрам куню — майыста
Толкъунлатам байракълар.

ГУЛЬ

Сенинъчюн гонъюмде, йылдызнынъ нурыдай,
Севгимнинъ ич сѣлмез дуйгъусын яшатам.
Мерамет къаплагъан ананынъ къальбини,
Нур сачкъан йылдызенен, тск санъа ошатам.

Яралы юрекиннъ озюньсинъ мельэм,
Озюньнен юректен гъам, къаарь савуша.
Зерредай ич кимнинъ ъкъ санъа элем,
Озюньнен баарь, аз чересп яраша.

Къатмерли антеринъ, зийнетли юзюньнен,
Шад этип сен халкъны, чыкъасынъ Минберге
Мавзолей огюне келелер озюньнен,
Дайин апъмакъчюн котерип элмерге.

Тикильсем юзюнье, козьлерим ич талмай,
Къальбиме чокъракънынъ сувудай акъасынъ,
Мисгъамбер къокъунъны сен менден аямай,
Гонъюме шадлыкънынъ чырагъын якъасынъ.

ЯГЪМУРДАН СОНЪ

Ягъмурдан сонъ, язда ссрин авасы,
Оськен пичен, гуль-чечеклер мис къокъуй.
Яшни токътай, даркъай булут обасы,
Кокте кунеш нурындан кетен токъуй.

Тюрлю реикли алкъалардан бу кетен,
Ерге догъру тирелли, къанат джайгъан.
Санки кунеш узанып, йыракъ коктен,
Булутларнынъ юзюне тамгъа къойгъан.

Булутларны кунъ нуры тельчслетип,
Кумюш толли шавлелер ерге сача.
Акъ булутлар къачалар чеккелешип
Мас-мавы кок саф, дюльбер ботни ача.

БААРЪ

Эй бааръ, гузельсинъ, дюльберсинъ,
Сенингънен эп юреклер джошар.
Омрюминъ сеничи, гулюсинъ,
Багъъинъда нисангъа севги бар.

Сенингънен тарлалар яраша,
Багъчада бульбуллер йырлаша.
Диярнынъ къокъулы гуллери
Нисаннынъ зевкъына, зевкъ къоша.

Къыш бою юкълагъан озенлер,
Козъ ачып бузларны къыралар.
Сени эп селямлап оленлер
Севинип ериден туралар.

Балкъуртлар ачылгъан чечекнинъ
Мисгъамбер къокъусын къокълайлар.
Устюнде айланып терскининъ,
Гулюнден бал-шербет топлайлар.

Черепъден нур акъа юзюме,
Чырайым гулюнъдай аллана.
Танъ нурынъ тюшкенде козюме,
Турам да мектепке ёллапам.

ДАГЪ ОЗЕНИ

Къарлы дагълар төпесинден ёлны башлап,
Акъа озен йыр багъышлап гопъюллерге.
Таш-къаялы дерселерин арткъа ташлап,
О ашыкъа араретли кенъ чёллерге.

Мен ялыдам, къальб-юрегим эп динълене,
Озен акъа шувулдай во копюклене.
Кучъ-къуветли хош эм помай суварынен
Къаяларгъа урула ве гуръделене.

Хатир хошлай онынъ хафиф серинлиги,
Къудретинден хабер бере суръат, сесн.
Нисанларгъа сыр дегиль ки, озилерининъ
Тюкенмезден берген байлыкъ-хазнеси,

НАРГУЗИМ

Ал янакълы, къара козь,
Куле бааръ танъында.
Оны агъып ачсам сёз,
Шадлыкъ кайнай къанымда.

Одыр гузель бир чечек,
Дагъ, чайырда ача о.
Окъа севда чин юрек,
Мискин къокъу сача о.

Наргузими! Дей асрет Ай,—
Чокъ языкъ ки, эркетем.
Якъын олсам, къызымдай
Опер эдим юркетем.

ОЗЕН

Дипълонъ балалар, меним актылы сёзюмни,
Чин доступъыз саям сизге мен озюмни.
Кузьгю киби, пак-буллюрдай сувларымкеп
Инсанларгъа бахт кетирем данма мен.

Ичсенъ, салкъын сувларыма олмай тоймакъ,
Вагъырымда ювунгъаннынъ гонълю къузнакъ.
Винъ-бир файдам бар инсангъа, макътанмайым,
Шунынъ ичюм эп акъам мен, токътамайым.

КЪЫШ БУЛУТЫ

Гурюльтюсиз, сес-солукъсыз
Орте кокни къыш булуты.
Афакъансыз, сагъанакъсыз
Екътыр онынъ яшин-оты.

Къыш булуты чырай сыта,
Лякин ёкътыр ягъмур-сели.
Базан къарны бизден къыта,
Базан элек киби элей.

Акъ чаршафын ерге джайып,
Акъ тонларнен терек орте.
Коктен кетсе, кок ачылса,
Серт сувугъы къулакъ черте.

Чертсе-чертсин бурун, къулакъ,
Эгер ерни къар къандырса.
Язы отъмез сувсыз-къургъакъ,
Къыш-къышлыгъын биллип япса.

КЪАРА КЪЫШ

Ап-акъ къарнен ортюльгенде тогъай, къртыш,
Чырай сыта, къаш туюмлей серт къара къыш.
Къарлы еллер нефесине тоя-тоя
Тим-тик тура акъ къалпакълы Бурункъая.

Кунъ шавлеси санки ёкътыр кок юзюнде,
Кунеш ве Ай ялдамайлар сув устюнде.
Къар булуты кунешке де къапу ачмай,
Магърур къушлар кепъ коклерге чыкъып учмай.

Неге керек бойле къыш ве серт аяз,
Несн яхшы, нелер эте бизге багъшыш?
Нелер ала ондан бзарь, я да яз,
Айтынъ, нечюн дейлер онъа къара къыш?



ИНСАН ВЕ КОЛЬГЕ

Купе-куньдюз, ай ярыкъта,
Елда-наде, тар сокъакъта,
Сепнен бирге адым атам,
Базан санъа сёз де къатам,
Дей инсангъа озь кольгеси,
Лякин чыкъмай онынъ сеси.
Олса эди, — деди, — инсан
Сенде беден, къан эм де джан,
Купе-куньдюз, ай ярыкъта
Достунъым деп, айгмаз эдинъ.
Ала булут, къаранлыкъта
Мени ташлап, къачмаз эдинъ.

Сагълыгъынъда базы достунъ
Эв-баркъынъдан ич де къалмай.
Лякин хаста, мушкюлунъде,
О янынъда аслы олмай.

АРСЫЗ ЮНУС

Дерстен чыккып эр тенефус,
 Бир кошого чапа Юнус.
 Оны корьсенъ, чыкъя окенъ,
 Чюнки баштакъ тютюн чеке.
 Даа о яш, беште окъуй,
 Агъыз, нефес тютюн къокъуй,
 Кяде энде янгъыз къала,
 Папирослыкъ тапып ала.
 Бу «иш» ода акъшам-саба.
 Буны корьмей ана-баба.
 Тек бу дегиль онда хусур,
 Тырнакълары оськен, пюсюр.
 Китапны да севмей ача,
 Фыршат тапса, дерстен къача.
 Чантасмында чубур ташый,
 Дерс соралса, энъсе къашый.
 «Эки» иле толып-ташкъан
 Шу Юнусынъ кунъделиги.
 Башы ошай мермер ташкъа,
 Урдым-дуймаз къальб, юреги.
 Бу Юпусчюн намуc-армы?
 Бу баладай сизде бармы?

ЧАЯ АЙДЕР

Айдер осе пек чая,—
 Сэз динълемей бу бала.
 Тутарланса бар даик —
 Тюрлю кылыккъа дала.

Не истесе яптыра
 Анасына эркетай.
 Деялетни арттыра
 Анледе эр кунъ шай.

Эр кунъ элли капикки,
 Айдер ала бабадан.
 Гиали тютюн, серикки
 Джепке сала сабадан.

Чапып оюн пешинден
 Куню оте, кеч къайта.
 Къуртулмакъчюн огюттен
 Бинъ-бир «себонлер» айта.

Окувы ич кельмей онъ,
 Бир иш япмай, тек юкълай.
 Аш къокъусын сезген сонъ,
 Софрагъа тез акъыллай.

Джыя чакъыл-ташларны,
 Джеплерине шып-шыплай.
 Рогатканен къушларны
 Ата, ура, азаплай.

УЧЪ КЪАНИЕР

Учъ бала бар маалемизде,
 Окъуйлар ве яшайлар.
 Учюннъ до адетлери
 Бир-бирине ошайлар.
 Биринджиси Амет Богъай,
 Авджым, деп форса сата.
 Къайда коръсе о къуш-торгъай,
 Онъа козьлеп таш ата.
 Экинджиси Умер Али,
 Догъру басмай аягъы.
 Ич тынч турмай аякъ, эли,
 Къолдап тюшмей таягъы.
 Учунджиси — Мемет Рустем,
 О адий усул тапкъан —
 Гогерджинге о электен
 Къургъан саде бир къапкъан.
 Пенджеренден козь агъартып,
 Бакъа къушкъа ашыкъдай.
 Саатлернен пысып-ятып,
 Авлай оны мышыкъдай.
 Ич ошаманъ бу яшларгъа,
 Олмагъ шай къуш «ашыгъы»,
 Тийменъ балалар шу къушларгъа,
 Олар дюнья ярашыгъы.
 Мектеплим деп, нам ташып,
 Балалар шай яшаманъ.
 Сиз тесаддюф адашып,
 Бу Айдерге ошаманъ!

ХОРАЗ ВЕ ОСМАНЧЫКЪ

«Козюнъни ач, атты танъ,
 Юкълап ятма Османчыкъ!
 Тезден мектеп къакъар чанъ,
 Тездже кийин, ёлгъа чыкъ!

Акъшам ойнап-чаптынъ сеп,
 Дерс бакъмайып яттынъ сен.
 Эп сабагъа къалдырып,
 Тенбелликке таттынъ сен.»

«Ничюн сесинъ серт-къаба,
 Дей Османчыкъ хоразгъа.
 — Йыр айтам, деп эр саба,
 Ял бермейсинъ сен магъа.»

Шай дер экеч, тенбелнинъ
 Нуры кетти козюнден.
 Кене даялып юкъугъа,
 Чыкъты онынъ сёзюнден.

Осман кельди кечикип,
 «Эки» алды дорсинден.
 Чыкъмаз, — леди. ах! чекип, —
 Шу хораз ич эсимден.

МУНДЕРИДЖЕ

Альбом	3
Эйкель	4
Томларынъ	5
Гъайрет нуры	6
Бугуныкн гонъюльнен	7
Сурет	8
Биз Ленинджи яш песьльмиз	9
Партняма	11
Мутебер	12
Пионерлер багъчасы	13
Иесе къошам	15
Эмек севген бахт тапар	16
Кель тарлагъа	17
Мен мектептен къайткъан сонъ	18
Иппек къуртынынъ тилеги	19
Памукънынъ элени	21
Ана суалине балаларнынъ джеваплары	23
Пионерлер мушавереси	26
Олурым мел космонавт	28
Китап	29
Кой оджасы	30
Нур бердинъ	31
Мектеп беклей бизлерни	32
Севем	33
Кечикме пионер!	34
Сагъ олса опер эдим	35
Баба огъутн	36
Къартбабамнынъ икяеси	38
Инкълябтан эвельсин яш саймайым	41

Сёзюнъдем, къартбаба	42
Энди файданъ тиер экен...	43
Азиз анам	44
Къартанамнынъ сёзлери	45
Османнынъ хаялы	46
Пек яхшы, деди бабанъ	47
Мен бпр бааръ ельчиним	48
Гуль	49
Ягъмурдан сонъ	50
Бааръ	51
Дагъ озени	52
Наргузим	53
Озен	54
Къыш булуты	55
Къара къыш	58
Инсан ве кольге	57
Арсыз Юнус	58
Чая Айдер	59
Учъ къашер	60
Хораз ве Османчыкъ	61

На крымско-татарском языке

Зейтулла Албатлы

(Ганиев Зейтулла)

Бутонь весны
(стихи)

Редактор Черкез-Али
Редактор Г. Ли
Рисунглар редакторы А. Кива
Технический редактор А. Ситкова
Корректор Л. Дерменджи

Басмаханеде берильди 17.XI-1975 с. Басмагъа рухсет этильди 13/IV-1976 с.
Формити 70x108 мм. Басма табагъы 2.0. Шартлы басма табагъы 2.8. Нешир та-
багъы 1.75. Тиражи 1000. Р-11162. Гъафур Гъулам адына Эдебият до-
саньбат неширляты, Ташкент, Павловий сокъагъы, 30. Шартнаме № 104-73

Ольбекстан ССР Министрлер Советининъ неширляты, полиграфия ве ки-
тап тиджарети ишлери боюндики Девлет Комитетининъ Ташкент полиграф
комбинатында амырлангъан матрицалар 2 басмаханеде 1-кытагъытка басыл-
ды. Ляъыел Сумарканд сокъагъы, 44. 1976 с. Сымарыш №111. Фияты 23 к.